



SESIÓN EXTRAORDINARIA CELEBRADA POLO PLENO DO CONCELLO O DÍA

29 - ABRIL - 2008

ORDE DO DÍA

- 1.- **ADOPCIÓN DE ACORDOS EN RELACIÓN AO ESTUDIO INFORMATIVO- CONEXIÓN DA AUTOVÍA A-57 COA REDE ARTERIAL DE VIGO E ACCESO AO AEROPORTO DE PEINADOR-PROVINCIA DE PONTEVEDRA.**
- 2.- **ADOPCIÓN DE ACORDOS S/ PLAN DE UTILIZACIÓN DE ESPACIOS PORTUARIOS DO PORTO DE VIGO, ZONA DE SERVICIO DE RANDE E PUNTA CHAPELINA.**

Na Casa do Concello de Redondela, sendo as nove horas e trinta minutos do día vintenoventa de abril de dous mil oito, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. ISABEL CASTRO PIEDRAS, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sra. Interventora Xeral do Concello DONA. AGUEDA BELLO VALDÉS, actuando como Secretario, o Técnico de Administración Xeral, D. BERNARDO SOTO LÓPEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-


1.- ADOPCIÓN DE ACORDOS EN RELACIÓN AO ESTUDIO INFORMATIVO - CONEXIÓN DA AUTOVÍA A-57 COA REDE ARTERIAL DE VIGO E ACCESO AO AEROPORTO DE PEINADOR-PROVINCIA DE PONTEVEDRA.-

ANTECEDENTES.-

Proposta do grupo municipal do Partido Popular de data 16 de abril de 2008, de Rexistro de Entrada, que transcrita dí:

"O Grupo Municipal do Partido Popular solicita que se adopten os seguintes acordos:

- A)-Que se realicen as xestións oportunas coa finalidade de anular o acordo adoptado pola Xunta de Goberno Local, en sesión ordinaria celebrada o día 25 de xaneiro de 2008 e onde a instancia dos grupos



Serie A N.º 1503969

Municipais de BNG e PSOE adoptaron o acordo de trasladar a proposta que segundo a acta da Xunta de Goberno dí expresamente: o estudio informativo EI-2-PO-24 da conexión da autovía A57 coa rede arterial de Vigo a acceso ao Aeroporto de Peinador -plantexa na súa alternativa 5, a recomendada polo Ministerio de Fomento, que de seguido se apuntan, e pdoerían ser a solución á necesidade de eliminar o tráfico de vehículos en tránsito nos núcleos urbanos do Concello de Redondela, Chapela e Cesantes.

B)-Que por este Pleno se adopte o acordo de todos os Grupos Políticos de:

INSTAR A FOMENTO A QUE MODIFIQUE O SEU PROPOSTO DE TRAZADO E QUE SE EXECUTE A ALTERNATIVA 11 POR CONSIDERALA ESTA, A MÁIS IDONEA E MENOS PERXUDICIAL PARA OS INTERESES DO NOSO CONCELLO, EVITANDO DANOS ÁS FAMILIAS AFECTADAS.

INTERVENCIÓNS.-

A concelleira Sra. Canal Gómez inicia a súa intervención manifestando que a sesión plenaria que se está a celebrar foi convocada a instancia do Partido Popular, recollendo o sentir dos veciños absolutamente contrariados pola solución aceptada polo equipo de goberno municipal, referida á execución da alternativa 5. Fai unha chamada á reflexión no senso de manter unha liña política consensuada e non traballar de xeito unilateral, sen ter en consideración o sentimento veciñal.

De seguido indica que a proposta que teñen formulado en relación con este punto da orde do día consta de dous apartados: o apartado A) no que se peticióna se realicen as xestións oportunas a fin de anular o acordo tomado pola Comisión de Goberno Local en sesión extraordinaria celebrada o día 25 de xaneiro de 2008, e o apartado B) no que se propón a adopción de acordo relativo a instar a Fomento a que modifique a proposta de trazado e se execute a alternativa 11 por considerala a máis idonea e menos perxudicial para os intereses do municipio.

Argumenta o rexeitamento do seu grupo político á alternativa 5 por estimala gravemente perxudicial para Redondela por atravesar diversas parroquia do Concello e causar afeccións nas propiedades de numerosos veciños. Indica que a alternativa 5 non ten xustificación por canto discorre paralela á autovía A-57, dando lugar a un despilfarro de cartos públicos e remata sinalando que no momento oportuno presentaron unha alegación na Demarcación de Estradas do Estado en Galicia rexeitando a alternativa 5 e propoñendo a execución da alternativa 11.

O concelleiro Sr. Bastos Fernández dí que o Partido Galeguista considera que Redondela non pode quedar illada; que fai falta unha autovía pero que cause o menor dano posible tanto no referido a afeccións nas propiedades como respetuosa co medio ambiente, debéndose tomar conciencia disto.

O concelleiro Sr. Pazos Docampo manifesta que reitera o incumprimento do Grupo Popular da Lei de Normalización Lingüística.

Dí que o asunto que se está a tratar é absolutamente extemporaneo e que xa foi tratado no momento oportuno. En referencia á reflexión da Sra. Canal Gómez de manter unha liña política consensuada sinala que o PP efectuou unha sdeclaracións na prensa en relación á alternativa 11 non compartidas nin polo BNG nin polo PSOE, polo que as posturas non serían coincidentes nin tan siquera próximas.

Con respecto á alternativa 5 considera que é a mellor das propostas por canto é a que absorve máis tráfico das estradas nacionais, e ao eliminar o tráfico interno nos núcleos urbanos de Cesantes, Redondela e Chapela, faría funcións de circunvalación, en tanto que a alternativa 11 non ofrece estas posibilidades e posibilitaría o regreso ás variantes.

Remata indicando que o Pleno do Concello non pode anular un acordo da Xunta de Goberno Local.

O Sr. Alcalde, antes de conceder o uso da palabra a outro/a concelleiro/a dí que lle corresponde o peche do turno de intervencións a un membro do goberno, replicándolle a Sra. Canal Gómez que de conformidade co establecido no Regulamento Orgánico da Corporación a última intervención lle corresponde ao seu grupo por ser o que que presentou a proposta. O Sr. Alcalde contéstalle que o asunto que se está a debater non ten o carácter de moción, polo que, como é práctica habitual en tódalas sesións plenarias, o turno de intervencións pechao o goberno.

A concelleira Sra. Canal Gómez dí que non existe igualdade nin liberdade e con respecto ao uso da lingua galega que utiliza o idioma que quere.

Neste intre e ante a intervención de espectadores o Sr. Alcalde dí que o público debe absterse de facer manifestacións.

Continua a Sra. Canal Gómez sinalando que a alternativa-5 afecta a 111 casas, que é perxudicial para os intereses municipais e que a mellor opción é a alternativa 11 por ser a que menos perxuizos provoca, téndose proposto a Fomento a modificación do trazado na parroquia de Vilar para evitar afeccións de vivendas.

O concelleiro Sr. González Iglesias dí que non tiñan sentido as variantes cando se tiña previsto facer a conexión coa autovía A-57; que o estudio informativa recomenda a alternativa 5, sendo a alternativa 11 a que menos tráfico absorbe do que discorre polas estradas nacionais que atravesan Redondela, e que técnicos do Ministerio de Fomento recomendan que as estradas nacionais que cruzan Redondela deixen de ser nacionais.

Dí que o Goberno Municipal opta pola alternativa 5 por defender os intereses dos 30.000 habitantes do Concello de Redondela, alternativa que coas modificacións propostas pola Xunta de Goberno Local na súa sesión de data 25 de xaneiro de 2008 contribuiría a eliminar o tráfico de vehículos nos núcleos urbanos de Chapela, Cesantes e Redondela, actuando como unha verdadeira circunvalación, en tanto que a alternativa 11 ao non ofrecer esta solución propiciaría que para elimina-lo tráfico dos centros urbanos tivera que recurrirse á variante que nunca quixemos. En definitiva, dí, de non resolverse a circunvalación de Redondela mediante a alternativa 5 para conexión coa autovía A-57, a continuación vaise a plantexar novamente o asunto das variantes que sempre rexeitamos. Remata indicando que mentras o PP plantexa que a autovía non pase por Redondela, diversos concellos reivindicán unha conexión real coa mesma.

Ante a intervención de asistentes do público o Sr. Alcalde lles advirte que deben permanecer calados, senón tería que suspender a sesión.

O concelleiro Sr. Bastos Fernández dí que fai falta unha conexión coa autovía A-57 e que se elixa a que menos danos produza e máis beneficie aos intereses veciñais e do municipio.

O concelleiro Sr. Pazos Docampo sinala que a alternativa 11 proposta polo PP límitase a trasladar as afeccións duns veciños a outros, e considera que tendo en conta todas as circunstancias que concorren, a alternativa 5 e a mellor de todas as existentes.

A concelleira Sra. Canal Gómez manifesta que o problema de tráfico no casco urbano de Redondela é unha realidade que se agravou coas obras de humanización e considera que coa alternativa 5 non se vai a eliminar ningún tipo de tráfico urbano. Remata solicitando se anule o cordo da Xunta de Goberno Local de data 25 de xaneiro de 2008.

O concelleiro Sr. González Iglesias dí que o problema real de tráfico en Redondela non é de agora, senón que ven de anos atrás, e non é causa a humanización de rúas, e indícalle á Sra. Canal Gómez que só se move cando hai veciños protestando e que o Pleno puido pedilo cando o estudio informativo de conexión á autovía A-57 estaba sometido ao trámite de alegacións.

(Selo da Corporación)

(Sinatura do Presidente)

Folio N.º



Serie A N.º 1503970

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as presentes, sendo once votos en contra (8 do PSdeG-PSOE e 3 do B.N.G.), dúas abstencións (2 do P.G.) e oito votos a favor (8 do PP), acordou rexeitar a proposta do Grupo Municipal do Partido Popular nos antecedentes transcrita.-

2.- ADOPCIÓN DE ACORDOS S/ PLAN DE UTILIZACIÓN DE ESPACIOS PORTUARIOS DO PORTO DE VIGO, ZONA DE SERVICIO DE RANDE E PUNTA CHAPELINA.-

ANTECEDENTES.-

Proposta do grupo municipal do Partido Popular de data 16 de abril de 2008 de rexistro de entrada, que transcrita dí:

"A) Que por este Pleno se adopte o seguinte acordo: A realización de xestións oportunas a fin de evitar que dentro do espazo comprendido no término Municipal de Redondela e pertencentes á Autoridade Portuaria, se leven a cabo novos recheos, pois elo perxudicaría aínda máis a situación na que se atopa a nosa ría gravemente afectada por anteriores ampliacións feitas en dito espazo e que se respecte a Rede Natura 2000, espazo protexido na nosa ría, que deberá terse en conta para calquer actuación nesta zona de que estamos falando.

B) Que, por este Pleno se adopte o seguinte acordo: A suspensión do procedemento de outorgamento de licenzas de edificación en Rande-zona da marxe esquerdo da ría de Vigo, (toda vez que está en estudo a elaboración do novo Planeamento Municipal, no que se pode Modificar a calificación dos citados terreos, e elo, ao amparo do establecido no art. 77-1º da Lei de ordenación Urbanística e Protección do Medio Rural de Galicia) referido artigo sinala "suspensión de licenzas -1º.- Os órganos competentes para a aprobación inicial dos instrumentos de planeamento urbanístico poderán acordar a suspensión do procedemento de Licencias de parcelación de terreos, edificación e demolición para áreas ou usos determinados, a fin de estudar a súa formación ou reforma, trasladando dito acordo ao equipo redactor do Plan a fin de ordear o

Dito acordo haberá de publicarse no Diario Oficial de Galicia e nun dos periódicos de maior difusión da Provincia.

A suspensión a que se refire o número 1 anterior, se extinguirá en todo caso, no prazo de un ano. Si dentro deste prazo se houbera producido acordo de aprobación inicial, a suspensión se manterá para

A suspensión a que se refire o número 1 anterior, se extinguirá en todo caso, no prazo dun ano. Si dentro deste prazo se houbera producido acordo de aprobación inicial, a suspensión se manterá para áreas das que novas determinacións de planeamento supoñan modificación da rodación urbanística.

C) Que se "resolva a suspensión" da produción de AUCOSA e se lle conceda un prazo para planificar e executar o traslado das instalacións e realice unha recuperación medioambiental do espazo, facilitando o Concello de Redondela a súa reubicación.

(Fundamentado isto en que a normativa urbanística vixente no Concello de Redondela, ten clasificada a zona onde está ubicada AUCOSA como solo industrial, grado II Industria limpa, compatible con área Residencia polo seu escaso nivel de contaminación de humos, gases ou de verquidos e no caso que nos ocupa se poden analizar os efectos contaminadores y o comportamento fora da Norma durante 30 anos de actividade Industrial, seguida dun amplo e constante rechazo social e sen cumprir coas normas correctoras e as máis elementais normas de vixilancia medioambiental.

Os antecedentes históricos do inicio da actividade así como a normativa urbanística vixente en 1977, non exime a AUCOSA das obrigas que se corresponden coa lexislación vixente e no contexto da realidade social na que hai que aplicala

INTERVENCIONS.-

A concelleira Sra. Canal Gómez solicita se permita que os veciños asistentes á sesión expresen a súa opinión con respecto a este asunto, respostándolle o Sr. Alcalde que elo non é posible por canto non concorren os requisitos que esixe o artigo 26 do Regulamento Municipal de Participación da Veciñanza.

De seguido a devandita concelleira fai unha exposición da proposta no referente ao apartado A) da mesma e di que conta co apoio dos grupos políticos municipais do PSdeG-PSOE e do BNG segundo se desprende das manifestacións que con respecto aos recheos teñen realizado.

A continuación da lectura aos aportados A), B) e C) da proposta, na que con respecto aos recheos indica que o posicionamento do seu grupo en contra dos mesmos ven dado por canto agravaría aínda máis a profunda afectación medio ambiental que sofre a Ría como consecuencia de anteriores recheos e por que calquera actuación neste ámbito debe respetar escrupulosamente as esixencias que establece a Rede Natura, espacio protexido no que está incluído a Ría.

En relación á suspensión de licenzas de edificación en Rande-Zona da marxe esquerda da ría de Vigo- que toda vez que está en estudio a elaboración do novo planeamento municipal poderíase modificar a calificación dos devanditos terreos e a suspensión serviría para estudar as calificacións e usos da zona.

No relativo a que se "resolva a suspensión" da produción de AUCOSA e se lle conceda un prazo para o seu traslado baséase en que esta empresa ven desenvolvendo unha actividade industrial durante 30 anos sen cumprir coas normas correctoras, de vixilancia medioambiental e con efectos contaminantes, provocando un amplo rechazo social.

O concelleiro Sr. Bastos Fernández di que está de acordo co PP con respecto aos recheos e que o día que exista un proxecto estarán en contra.

O concelleiro Sr. Pazos Docampo sinala que a proposta é extemporanea no que respecto aos recheos, por canto non se ten constancia de que se vaian a levar a cabo dada a inexistencia de expediente administrativo, polo que tomar acordos sobre algo que non existe non é lóxico. Amosase en contra dos recheos e considera que non se precisan máis en todos os terreos da Autoridade Portuaria, poñendo como exemplo a Leixoes que con menos terreos teñen máis actividade. Di que o BNG se pronunciará cando haxa un expediente administrativo en marcha.

Con respecto á suspensión de licenzas en Rande di que suspender a construción en todo Rande non se pode facer porque non ten sentido, e que o Plan Xeral xa está redactado.

En relación á suspensión da produción da empresa AUCOSA di que o Pleno do Concello non pode suspender a licenza de funcionamento da actividade por canto é unha competencia do Alcalde, e este tampouco sen ter instruído un expediente debidamente documentado en base ao cal revogala licenza, ou non. Sinala que o Concello ten informada desfavorablemente a autorización ambiental integrada solicitada por AUCOSA e que se dan os pasos para o traslado da mesma.

A concelleira Sra. Canal Gómez manifesta que na proposta díse que se fagan as xestións oportunas, non pedimos que se peche senón que se planifique o seu traslado facilitando a reubicación da empresa noutro solo industrial.

(Selo da Corporación)

(Sinatura do Presidente)

Folio N.º

Serie A N.º 1503971

O concelleiro Sr. González Iglesias di que a empresa AUCOSA non leva funcionando 30 anos senón máis de 40. Di que as licencias de apertura e posta en funcionamento dunha actividade concédeas o Sr. Alcalde, que é, polo tanto, o órgano competente nesta materia, e non o Pleno do Concello.

En relación á suspensión de licenzas en Rande considera un acto moi grave impedir a construción no barrio, e con respecto aos recheos di que o seu grupo político está en contra dos mesmo, polo que cando haxa un expedien te administrativo formularán as correspondentes alegacións.

O concelleiro Sr. Bastos Fernández di que a fábrica de AUCOSA produce moitos cheiros, pero que pechar a empresa non, pero si evitar os cheiros.

O concelleiro Sr. Pazos Docampo sinala que se está a facer un seguimento ambiental con respecto a AUCOSA, e que non hai necesidade de que a mesma esté situada na zona actual, é dicir, no litoral.

Indica que a expresión que utiliza a proposta do PP de que "se resolva la suspensión" é resolver e non, como di a Sra. Canal Gómez, facer xestións, e que pedir a suspensión é unha irresponsabilidade.

A concelleira Sra. Canal Gómez sinala que os veciños de Rande non porían obxeccións á suspensión das licenzas a cal tería por finalidade a ordenación do litoral.


O concelleiro Sr. González Iglesias di que a empresa AUCOSA non está situada en Rande senón en Cabanas-Trasmañó e que pedir a suspensión de licenzas sen previo expediente e ademais a órgano non competente, non ten sentido.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as presentes, sendo once votos en contra (8 do PSdeG-PSOE e 3 do B.N.G.), e dez votos a favor (8 do PP e 2 do P.G.), acordou rexeitar a proposta do Grupo Municipal do Partido Popular nos antecedentes transcrita.-


Pola Presidencia dase por rematada a presente sesión, sendo as once horas e dous minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 169 do Papel Timbrado da Comunidade Autónoma de Galicia, Serie A nº 1503968 ata o folio núm.172, Serie A nº 1503971, e todo o que, como Secretaria, DOU FE.-

O ALCALDE



XAIME REI BARREIRO

O SECRETARIO ACCTAL.



BERNARDO SOTO LÓPEZ